

INUIT ATAQATIGIIT INATSIARTUNI



UPA:2026/74

Paarma Lund Kreutzmann

11. juni. 2026

Ulluunerani paaqqinnittarfinni meeqqat minnerit toqqissisimanissaat, atugarissaarnissaallu qanoq qulakkeersinnaaneripput pillugu, apeqquteqaat aallaavigalugu oqallinnissamik siunnersuut.

Inatsisartunut ilaasortaq Pipaluk Olsen, Demokraatit

Inuit Ataqtiginiit taperserparput meeqqat mikinerit toqqissisimanissaat, aalajaatsumillu sapinngisamik ulloqartarnissaat. Meeqqueriviit meeraaqeriviillu, meeqqap inuunerani pingaarutilerujussuuvoq. Taamaatumillu pisariaqarpoq allangoraanavinngitsunik piffisaqartunik, aammalu meeqqat pisariaqartitaannut tunniussisinnaasunik sulisoqarnissaat.

Naalakkersuisup oqaaseqaataanni oqaatigineqartut isumaqatigaagut, piginnaasanik ineriartortitsineq, attaveqatigiinnermut piginnaasaqarneq, kiisalu angajoqqaanik suleqateqarneq pingaaruteqartorujussuusoq. Taakku tamarmik meeqqap toqqissisimanissaannut tunngavileeqataasuusarmata.

Kommunit akisussaaffeqartut ataqqivarput, taamaattumillu pingaaruteqarpoq kommunit suleqatigineqarnissaat. Isumaqarpugut kommunini misilittakkat pitsaasut aallaaviunissaat. Taamaasilluta naqqaniik inerisaanata, kisiannili killiffiit pitsaasut aallaaviullutik sulisut patajaatsut misilittagaat aallerfigalugit inerisaasalluta. Kommunit assigiinngitsuupput, taamaattumillu aaqqiissutissat sumiiffimmut naleqqussarneqartariaqassallutik.

Naggasiullugu oqaatigerusupparput, meeqqerivinni meeraaqerivinnilu sulisut atugassarititaat pitsaasuunissaat pingaarluinnarmata. Tassami, sulisoq misigisimasoq pitsaasumik suliffeqarluni, toqqisisimalluni sulisinnaalluni aamma isumaqarmat meeraq tassunga tarrasorluni pitsaasumik toqqissisimanartumillu meeqqaniisinaanissaa.

Oqaaseqaatit taakku tunngavigalugit, oqallisissiamut siunnersuuteqartumut qujavugut, oqallinnerlu pitsaasoq qilanaaralugu.